

## 陳太宗十思疏 魏征

臣聞求木之長者，必固其根本；欲流之遠者，必浚其泉源；思國之安者，必積其德義。源不深而望流之遠，根不固而求木之長，德不厚而思國之理，臣雖下愚，知其不可，而況于明哲乎！人君當神器之重，居域中之大，將崇極天之峻，永保無疆之休。不念居安思危，戒奢以儉，德不處其厚，情不勝其欲，斯亦伐根以求木茂，塞源而欲流長者也。

凡百元首，承天景命，莫不殷憂而道著，功成而德衰。有善始者實繁，能克終者蓋寡。豈取之易而守之難乎？昔取之而有余，今守之而不足，何也？夫在殷憂，必竭誠以待下；既得志，則縱情以傲物。竭誠則胡越為一體，傲物則骨肉為行路。雖董之以嚴刑，振之以威怒，終苟免而不懷仁，貌恭而不心服。怨不在大，可畏惟人；載舟覆舟，所宜深慎；奔車朽索，其可忽乎！

君人者，誠能見可欲則思知足以自戒，將有作則思知止以安人，念高危則思謙沖而自牧，惧滿溢則思江海下百川，樂盤游則思三驅以為度，忧懈怠則思慎始而敬終，慮壅蔽則思虚心以納下，想諂邪則思正身以黜惡，恩所加則思无因喜以謬賞，罰所及則思无因怒而濫刑。忌此十思，弘兹九德，簡能而任之，擇善而从之，則智者尽其謀，勇者竭其力，仁者播其惠，信者效其忠。文武爭馳，在君无事，可以尽豫游之乐，可以养松乔之寿，鸣琴垂拱，不言

而化。何必劳神苦思，代下司职，役聪明之耳目，亏无为之大道哉！